



Համարը ՀՕ-140-Ն

**Տիպը** Օրենք  
**Սկզբնադրյուրը** ՀՀՊՏ 2014.07.30/41(1054) Հոդ.  
666

**Հնդունող մարմինը** ՀՀ Ազգային ժողով  
**Ստորագրող մարմինը** ՀՀ Նախագահ  
**Վավերացնող մարմինը**  
**Ուժի մեջ մտնելու ամսաթիվը** 09.08.2014

**Տեսակը** Պաշտոնական  
Ինկորպորացիա  
**Կարգավիճակը** Գործում է  
**Հնդունման վայրը** Երևան

**Հնդունման ամսաթիվը** 21.06.2014  
**Ստորագրման ամսաթիվը** 22.07.2014  
**Վավերացման ամսաթիվը**  
**Ուժը կորցնելու ամսաթիվը**

#### **Ծանուցում**

Սույն օրենքի 7-րդ հոդվածի 2-րդ մասով ազրորիմիկատների վերաբերյալ սահմանափակումներն ուժի մեջ են մտնում 2015 թվականի հունվարի 1-ից:

- + **Կապեր այլ փաստաթղթերի հետ**
- + **Փոփոխողներ և ինկորպորացիաներ**

ՀՀ ՕՐԵՆՔԸ ԲՈՒՍԱՍԱՆԻՏԱՐԻԱՅԻ ՄԱՍԻՆ

## **ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**

### **ՕՐԵՆՔԸ**

Հնդունված է 2014 թվականի հունիսի 21-ին

ԲՈՒՍԱՍԱՆԻՏԱՐԻԱՅԻ ՄԱՍԻՆ

Գ Լ ՈՒ Խ 1

**ՀՆԴՀԱՆՈՒՐ ԴՐՈՒՅԹՆԵՐ**

#### **Հոդված 1. Օրենքի կարգավորման առարկան**

1. Սույն օրենքը կարգավորում է Հայաստանի Հանրապետությունում բուսասանիտարիայի ոլորտի իրականացմանը, կառավարմանն առնչվող հարաբերությունները, ամրագրում է պարտադիր բուսասանիտարական պահանջները և բույսերի, բուսական արտադրանքի և այլ կարգավորվող առարկաների աձեցման, պահպանման, փոխադրման կամ շուկայահանման գործընթացում բուսասանիտարական հիմնական սկզբունքները, ինչպես նաև հոդերի մշակությամբ գրադարձը ֆիզիկական և իրավաբանական անձանց պարտականությունները:

2. Սույն օրենքը տարածվում է բուսասանիտարիայի ոլորտում ծագած հարաբերություններին մասնակից բոլոր սուբյեկտների, այդ թվում՝ բուսասանիտարիայի ոլորտում գործունեություն իրականացնող անձանց վրա:

#### **Հոդված 2. Բուսասանիտարիայի մասին օրենսդրությունը**

1. Բուսասանիտարիայի ոլորտում ծագած հարաբերությունները կարգավորվում են սույն օրենքով, այլ օրենքներով, Հայաստանի Հանրապետության քաղաքացիական օրենսգրքով և իրավական այլ ակտերով:

2. Եթե Հայաստանի Հանրապետության միջազգային պայմանագրերով սահմանված են այլ դրույթներ, քան սահմատեաված են սույն օրենքով, ապա կիրառվում են միջազգային պայմանագրերի նորմերը:

### **Հոդված 3. Օրենքում օգտագործվող հիմնական հասկացությունները**

1. Սույն օրենքում օգտագործվում են հետևյալ հիմնական հասկացությունները.

1) **լիազոր մարմին՝** Մնացամբերքի անվտանգության տեսչական մարմինը.

2) **բույսեր՝** բույսերն ամբողջությամբ և բույսերի առանձին մասերը, այդ թվում՝ սերմերը, սաղմը.

3) **բուսասանիտարիա՝** առողջ միջավայրում առողջ բույսերի, բուսական արտադրանքի և կարգավորվող առարկաների արտադրությանը նպաստակառողդված միջոցառումների համակարգ.

4) **բույսերի կարանտին՝** բույսերի պաշտպանության պետական միջոցառումների համալիր, որի նպատակն է բացահայտել մեկուսացնել և վերացնել բույսերի, բուսական արտադրանքի և կարգավորվող առարկաների համար կարանտին վնասակար օրգանիզմներով վարակված օջախները.

5) **բուսական արտադրանք՝** բուսական ծագման չվերամշակված նյութ, ինչպես նաև վերամշակված մթերքներ (բացառությամբ ջերմամշակում անցածների), որոնք իրենց բնույթով կամ վերամշակման եղանակով կարող են ստեղծել վնասակար օրգանիզմների ներթափանցման և (կամ) տարածման վտանգ.

6) **բուսասանիտարական ռիսկի վերլուծություն՝** կենսաբանական և տնտեսական տվյալների գնահատում՝ վնասակար օրգանիզմների կարգավորման անհրաժեշտությունը որոշելու, դրանց դեմ պայքարի բուսասանիտարական միջոցառումներ իրականացնելու կամ բուսասանիտարական միջոցառումներն ուժեղացնելու նպատակով.

7) **բուսասանիտարական կանոններ և նորմեր՝** Հայաստանի Հանրապետության միջազգային պայմանագրերով, Հայաստանի Հանրապետության օրենքով և այլ նորմատիվ իրավական ակտերով սահմանված բուսասանիտարական պահանջներ.

8) **բույսերի պաշտպանություն՝** բույսերի, բուսական արտադրանքի աճեցման, փորձարկման, պահպանման և փոխադրման վնասակար օրգանիզմների դեմ քիմիական և կենսաբանական պայքարի միջոցների օգտագործում, ինչպես նաև շրջակա միջավայրի պահպանության, բույսերի և կենդանիների պաշտպանության ուղղված վնասակար օրգանիզմների դեմ պայքարի միջոցառումների համալիր.

9) **բուսասանիտարական գննում՝** բույսերի, բուսական արտադրանքի և կարգավորվող առարկաների ակնադիտական հետազոտություն՝ վնասակար օրգանիզմների առկայությունը կամ բացակայությունը պարզելու նպատակով.

10) **բույսերի կարանտին վնասակար օրգանիզմ՝** վտանգի ենթարկված գրտու համար տնտեսական նշանակություն ունեցող վնասակար օրգանիզմ, որը տվյալ գրտում դեռևս բացակայում է կամ առկա է սահմանափակ հանդիսանում է պայքարի օբյեկտ և պաշտոնապես հսկվում է.

11) **բույսերի վնասակար օրգանիզմ՝** բույսերի, բուսական արտադրանքի համար հիվանդությունների, վնասատուների և մոլախոտների ցանկացած տեսակ.

12) **բույսերի կարանտին գոտի՝** տարածք, որտեղ գոյություն ունի կարանտին վնասակար օրգանիզմ, որի հետազ տարածումը կանխարգելելու և վերացնելու նպատակով սահմանվել է կարանտին հսկողություն, և անցկացվում են բուսասանիտարական միջոցառումներ.

13) **բույսերի կարգավորվող ռու կարանտին վնասակար օրգանիզմ՝** վնասակար օրգանիզմ, որի առկայությունը տնտեսական վնաս է հասցնում բույսերի նպատակային օգտագործմանը, և հսկվում ներմուծող երկրի կողմից.

14) **բույսերի վնասակար օրգանիզմների դեմ պայքար՝** կարանտին վնասակար օրգանիզմների սերնադատության ճնշման, մեկուսացման և (կամ) վերացման, ինչպես նաև կարգավորվող ռու կարանտին վնասակար օրգանիզմների կառավարման նպատակով բուսասանիտարական կանոնների պարտադիր կիրառում.

15) **կարգավորվող առարկա (կարանտին օբյեկտ)՝** ցանկացած բույս, բուսական արտադրանք, պահեստային տարածք, փաթեթավորման նյութ, տրանսպորտային միջոց, բեռնարկո, հող և ցանկացած այլ օբյեկտ կամ նյութ, որը կարող է պարունակել կամ տարածել բույսերի վնասակար օրգանիզմ և որի նկատմամբ անհրաժեշտ է կիրառել բուսասանիտարական միջոցառումներ.

16) **բուսասանիտարական փորձաքննություն՝** բույսերի, բուսական արտադրանքի և կարգավորվող այլ առարկաների լաբորատոր հետազոտություն՝ վնասակար օրգանիզմի առկայությունը կամ բացակայությունը հայտնաբերելու նպատակով.

17) **բուսասանիտարական հաշվառում՝** բուսասանիտարիայի ոլորտում գործունեություն իրականացնող ֆիզիկական և իրավաբանական անձանց վերաբերյալ տվյալների հավաքում, դասակարգում, պահպանում, թարմացում և օգտագործում.

18) բուսասանիտարական հաշվառման վկայական՝ բուսասանիտարական հաշվառման արդյունքում ֆիզիկական և իրավաբանական անձանց տրվող փաստաթուղթ.

19) բուսասանիտարական միջոցառում՝ պաշտոնական գործընթաց՝ ուղղված կարանտին վնասակար օրգանիզմի ներթափանցման և (կամ) տարածման կամ կարգավորվող ոչ կարանտին վնասակար օրգանիզմից սպասվող տնտեսական վնասի սահմանափակմանը.

20) բուսասանիտարական անձնագիր՝ Հայաստանի Հանրապետությունում արտադրված բույսերը, բուսական արտադրանքը, կարգավորվող առարկաներն ուղեցող փաստաթուղթ, որը հավաստում է դրանց ստուգված և կարանտին վնասակար օրգանիզմից գերծ լինելու մասին.

21) խմբաքանակ՝ նոյն նշանակության, միևնույն արտադրողի կողմից գործողության նույն սկզբունքով արտադրված (պատրաստված), նոյն բաղադրությամբ և անվտանգությունը բնութագրող սահմանված նոյն պահանջներին համապատավսանող բուսասանիտարական հսկողության ենթակա ապրանքի որոշակի քանակ, որն ուղեցվում է ապրանքառուղի կայցից փաստաթուղթով.

22) բուսասանիտարական ուսումնասիրություն՝ պաշտոնական միջոցառում՝ անցկացված սահմանված ժամանակահատվածում, վնասակար օրգանիզմի սերնդասվության բնութագրի կամ տվյալ գոտում վնասակար օրգանիզմների կազմի որոշման նպատակով.

23) բուսասանիտարական հսկողության ենթակա ապրանք՝ բույսեր, բուսական արտադրանք, կարգավորվող առարկա.

24) ազրորիմիկատներ՝ պարարտանյութեր, քիմիական հողաբարելավիչներ, որոնք նախատեսված են բույսերի մնացման, հողերի բերրիցության բարելավման համար.

25) պետիցիդ՝ բույսերի պաշտպանության միջոց, ցանկացած նյութ կամ նյութերի խառնուրդ, որը նախատեսված է որոշակի վնասատուների (ներառյալ մարդկանց և կենդանիների հիվանդություններ փոխանցողների, սննդամթերքի, զյուրատնեսական արտադրանքի, փայտանյութի, կենդանիների կերերի արտադրության, վերամշակման, փոխադրման, իրացման գործընթացներին խանգարող և խոշնդրուղ վնասատուների), բույսերի և սնկերի անցանկալի տեսակների կանխարգելման, ոչնչացման կամ պայքարի համար։ Դեստիցիդների խմբում ներառված են միջատապանները (ինսեկտիցիդներ), կրծողների դեմ պայքարի միջոցները (ռոտենդիցիդներ), մնկասպանները (ֆունգիցիդներ), մոլախոտերի դեմ պայքարի համար նախատեսված նյութերը (հերբիցիդներ), բույսերի աճի կարգավորիչները, ֆերոմոնները, դեֆոլիանտները, դեսիկանտները և ֆումիգանտները.

26) սերմանյութ (տնկանյութ)՝ սորտի վերաբարելության նպատակով օգտագործվող բույս կամ դրա առանձին մաս.

27) բույսերի պաշտպանության միջոցներ՝ բույսերի վնասակար օրգանիզմների կանխարգելման, դրանց դեմ պայքարի և վերացման համար կիրառվող քիմիական, կենսաբանական միջոցներ:

2. Բուսասանիտարիայի ոլորտում Կառավարության քաղաքականությունը մշակում է համապատասխան նախարարությունը։

(3-րդ հոդվածը լրաց. 17.12.14 ՀՕ-240-Ն, խմբ., լրաց. 23.03.18 ՀՕ-287-Ն)

## Գ Լ ՈՒ Խ 2

### **ԲՈՒՍԱՍԱՆԻՏԱՐԻԱՅԻ ԲՆԱԳԱՎԱԾՈՒՄ ՊԵՏԱԿԱՆ ԿԱՐԳԱՎՈՐՈՒՄԸ**

#### **Հոդված 4. Բուսասանիտարիայի խնդիրները**

Բուսասանիտարիայի խնդիրներն են՝

1) Հայաստանի Հանրապետության տարածքում բույսերի կարանտին և կարգավորվող ոչ կարանտին վնասակար օրգանիզմի հայտնաբերումը և ոչնչացման կազմակերպման վերահսկողությունը.

2) Հայաստանի Հանրապետության տարածքը բույսերի կարանտին վնասակար օրգանիզմի ներթափանցման և տարածման կանխարգելումը՝ բույսերի, բուսական արտադրանքի և կարգավորվող առարկաների բուսասանիտարական զննման, փորձաքննության համար նմուշառման և բույսերի պաշտպանության նպատակով միջոցառումների իրականացումը.

3) Բուսասանիտարական կանոնների և նորմերի պահպանումը՝ բույսերի, բուսական արտադրանքի և կարգավորվող առարկաների ներմուծման, արտահանման, վերաբարեհանման և տարանցիկ փոխադրման ժամանակ.

4) բույսերի, բուսական արտադրանքի և կարգավորվող առարկաների արտադրության և վերամշակման ընթացքում, ինչպես նաև Հայաստանի Հանրապետության տարածքում գործող իրացման կետերում բուսասանիտարական կանոնների և նորմերի պահպանումը և դրանց պահպանման նկատմամբ վերահսկողությունը.

5) բույսերի վնասակար օրգանիզմի զանգվածային բազմացումն ու տարածումը ժամանակին կանխատեսելու, ախտորոշելու և կանխարգելելու նպատակով միջոցառումների իրականացումը.

6) գյուղատնտեսական, գեղագարդային մշակաբույսերի, անտառի բուսասանիտարական վիճակի բարելավման, շրջակա միջավայրին, բուսական և կենդանական աշխարհին սպառնացող վնասի բացառման ապահովման:

## Հոդված 5. Բուսասանիտարիայի ոլորտում Կառավարության լիազորությունները

(վերնագիրը փոփ. 23.03.18 ՀՕ-287-Ն)

1. Բուսասանիտարիայի ոլորտում Կառավարության լիազորություններն են՝

1) ոլորտում իրականացվող նպատակային ծրագրերի հաստատումը.

2) բուսասանիտարիայի միջազգային համագործակցության պետական ծրագրերի հաստատումը.

3) պետական և ազգային պետական գրանցման, վերագրանցման և գրանցումից հանելու **կարգի** սահմանումը.

4) պետական և ազգային պետական գրանցման հանձնաժողովի կազմի և գործունեության կարգի սահմանումը.

5) պետական և ազգային պետական գրանցման կարգի և պետական և ազգային պետական գրանցման հանելու **կամ արտահանման եզրակացության ձևերի սահմանումը.**

6) բույսերի կարանտինի սահմանումը և կարանտինի չեղյալ հայտարարումը.

7) պետական և ազգային պետական գրանցման հանելու պետական գրանցումից հանելու **պահանջների սահմանումը.**

8) պետական և ազգային պետական գրանցման ներկայացվող պահանջների սահմանումը.

8.1) բուսասանիտարական փորձաքննության նպատակով փորձանմուշ վերցնելու կարգի սահմանումը.

9) սույն օրենքից բխող իրավական այլ ակտերի ընդունումը:

(5-րդ հոդվածը փոփ. 17.12.14 ՀՕ-240-Ն, 23.03.18 ՀՕ-287-Ն, լրաց. 07.07.22 ՀՕ-310-Ն)

## Հոդված 5.1. Լիազոր մարմնի լիազորությունները

1. Լիազոր մարմնը հաստատում է՝

1) բուսասանիտարական անձնազրի ձևը և տրամադրման կարգը.

2) բուսասանիտարական հաշվառման, վերահաշվառման, հաշվառման կասեցման կարգը, հաշվառման հայտի, հաշվառման վկայականի և գրանցամատյանի ձևերը:

2. Լիազոր մարմնը իրականացնում է նաև այլ լիազորություններ՝ Հայաստանի Հանրապետության օրենսդրությամբ սահմանված դեպքերում:

(5.1-ին հոդվածը լրաց. 07.07.22 ՀՕ-310-Ն)

(07.07.22 ՀՕ-310-Ն օրենքն ունի անցումային դրույթ)

Գ Լ ՈՒ Խ 3

**ՊԵՍԻՑԻԴՆԵՐԻՆ ԵՎ ԱԳՐՈՔԻՄԻԿԱՏՆԵՐԻՆ ՆԵՐԿԱՅԱՅՎՈՂ ՊԱՀԱՆՁՆԵՐԸ ԵՎ ՊԵՏԱԿԱՆ ԳՐԱՆՑՈՒՄԸ**

## Հոդված 6. Պետական և ազգային պետական գրանցումը, վերագրանցումը և գրանցումից հանելը

1. Հայաստանի Հանրապետություն ներմուծվող, Հայաստանի Հանրապետությունում արտադրվող և շրջանառվող պետական պետական և ազգային պետական պարտադիր ենթակա են պետական գրանցման:

2. Պետական և ազգային պետական գրանցումն իրականացնում է լիազորված մարմնների պետական և ազգային պետական գրանցման հանձնաժողովի (այսուհետ՝ հանձնաժողով) եզրակացության հիման վրա:

3. Հայաստանի Հանրապետությունում արտադրված պետական և ազգային պետական գրանցումն իրականացվում է, եթե՝

1) դրանք երկու տարի անընդմեջ փորձարկվել են հանրապետության տարբեր բնակչության գոտիներում.

2) առկա է դրանց մասին հանձնաժողովի դրական եզրակացությունը:

4. Օտարեկրյա պետություններում արտադրված ու փորձարկված և գործածության մեջ գտնվող պետական և ազգային պետական գրանցումը Հայաստանի Հանրապետությունում իրականացվում է, եթե առկա է դրանց մասին հանձնաժողովի դրական եզրակացությունը:

5. Պեստիցիդների և ազրոքիմիկատների գրանցման մասին եզրակացություն տալու համար պահանջվում են հետևյալ փաստաթղթերը.

1) Հայաստանի Հանրապետությունում և օտարերկրյա պետություններում արտադրված և փորձարկված պեստիցիդների և ազրոքիմիկատների համար՝

ա. պեստիցիդների կամ ազրոքիմիկատների առևտրային անվանումը, ազդող նյութը կամ նյութերը, համագործիչ և օժանդակ նյութերը, յուրաքանչյուր նյութի տոկոսային հարաբերությունը, պատրաստուկային ձևը, արտադրող ֆիրման,

բ. պեստիցիդների ծախսի նորման, օգտագործման ժամկետը, եղանակը և առանձնահատկությունները, մշակումների կամ սնուցումների քանակը, սպասման ժամկետը, կիրառման սահմանափակումները, կիրառման անվտանգությանը ներկայացվող պահանջները, մշակվող օրինակությունը, վնասակար օրգանիզմը,

գ. ազրոքիմիկատների սպասման ժամկետը, կիրառման սահմանափակումները, կիրառման անվտանգությանը ներկայացվող պահանջները,

դ. պեստիցիդների կամ ազրոքիմիկատների հիգիենիկ նորմատիվները (մարդու օրգանիզմում օրվա թույլատրելի սահմանային չափարանինը, հողում թույլատրելի սահմանային քանակը (միայն պեստիցիդների մասով), ջրամբարների շրում թույլատրելի սահմանային քանակը, աշխատանքային գոտում օդում թույլատրելի սահմանային քանակը, մթնոլորտային օդում թույլատրելի քանակը և թույլատրելի առավելագույն մակարդակը մննդամթերքում),

ե. պեստիցիդների կամ ազրոքիմիկատների քիմիական փորձարձնության, մնացորդային քանակների որոշման մեթոդիկաները, պեստիցիդների՝ ազդող նյութի բյուրեղային տիպորինակը (ստանդարտը),

զ. թունունակությունը ոչ նպատակային տեսակների համար (ձկներ, թռչուններ, մեղուներ, հողի միկրոօրգանիզմներ և այլն),

է. ազդեցությունը վերաբռնության վրա,

ը. մուտագեն, ալերգիկ, ուռուցքածին և մաշկազրգիո տերատոգեն, գոնադատոքսիկ, սաղմնաթունային հատկությունները,

թ. սույն օրենքի 8-րդ հոդվածի պահանջներին համապատասխան՝ պեստիցիդի և (կամ) ազրոքիմիկատի թունաբանահիգիենիկ գնահատումը հավաստող փաստաթուղթը (հաշվետվությունը),

ժ. սույն օրենքի 9-րդ հոդվածի պահանջներին համապատասխան՝ պեստիցիդի և (կամ) ազրոքիմիկատի պիտակի նկարագիրը.

2) Հայաստանի Հանրապետությունում արտադրված և փորձարկված պեստիցիդների և ազրոքիմիկատների գրանցման համար պահանջվում է նաև՝

ա. տեղեկանք՝ Հայաստանի Հանրապետության տարբեր հողակիմայական պայմաններում դրանց երկու տարրա դաշտային և լաբորատոր փորձարկման արդյունքների մասին,

բ. առողջապահության, շրջակա միջավայրի, գյուղատնտեսության, գիտության և կրթության լիազոր մարմնի մասնագիտական դրական եզրակացությունները.

3) օտարերկրյա պետություններում արտադրված ու փորձարկված և գործածության մեջ գտնվող պեստիցիդների և ազրոքիմիկատների պետական գրանցման համար պահանջվում են նաև գրանցող երկիրը, գրանցման տարեթիվը և համարը, ընդգրկվածությունը գրքում անվանացանկում:

6. Սույն հոդվածի 5-րդ մասի 1-ին կետով պահանջվող փաստաթղթերը պետք է տրամադրված լինեն արտադրողի կամ նրա պաշտոնական ներկայացուցիչ կամ դիստրիբյուտորի կողմից:

7. Հանձնաժողովի եզրակացության և ներկայացվող փաստաթղթերի ձևերը հաստատում է լիազոր մարմինը:

8. Հայաստանի Հանրապետությունում արտադրված պեստիցիդների և ազրոքիմիկատների փորձարկումն է դրանք գրանցման ներկայացնող ֆիզիկական կամ իրավաբանական անձանց միջոցների հաշվին:

9. Լիազոր մարմինը հանձնաժողովի եզրակացությունն ստանալուց հետո՝ եռօրյա ժամկետում, կայացնում է տվյալ պեստիցիդները կամ ազրոքիմիկատները գրանցելու և Հայաստանի Հանրապետությունում օգտագործման համար թույլատրված պետիցիդների և ազրոքիմիկատների անվանացանկում ընդգրկելու կամ գրանցումը մերժելու մասին որոշում և տեղյալ է պահում հայտառություն:

10. Պեստիցիդները գրանցման ներկայացնող ֆիզիկական կամ իրավաբանական անձանց տրամադրած տվյալները պաշտպանված են և հրապարակման ենթակա չեն, եթե փաստաթղթային փաթեթի ներկայացման ժամանակ դիմուլը պահանջել է ազդող նյութի, հակառակ կամ համագործիչ, օժանդակ նյութերի և պեստիցիդների վերաբերյալ փորձերի և հետազոտությունների արդյունքների մասին տվյալների հավաստում այն մասին, որ փորձերի և հետազոտությունների արդյունքների վերաբերյալ տվյալների պաշտպանության ժամկետ երբեք չի սահմանվել, կամ սահմանված որևէ ժամկետ չլրացել:

11. Պեստիցիդները և ազրոքիմիկատները գրանցվում են հինգ տարի ժամկետով, և գրանցման ներկայացնող ֆիզիկական կամ իրավաբանական անձանց տրամադրությունը կամ գրանցման վկայական:

12. Պեստիցիդները և ազրոքիմիկատները ենթակա են վերագրանցման, եթե՝

1) լրացել է գրանցման ժամկետը, և վերագրանցման մասին հայտ է ներկայացվել.

2) մինչև գրանցման ժամկետի լրանալը տեղի է ունեցել պետիցիդների կամ ազրոքիմիկատների ազդող կամ համագործիչ կամ օժանդակ նյութերի կամ դրանց տոկոսային հարաբերությունների փոփոխություն:

13. Վերագրանցումն իրականացվում է սույն հոդվածով սահմանված գրանցման դրույներին համապատասխան:

14. Պեստիցիդները և ազրոքիմիկատները գրանցումից հանվում են, եթե լրացել է գրանցման ժամկետը, կամ

գրանցման վկայական ստացած անձը ներկայացրել է գրանցումից հանելու հայտ կամ ազդող կամ համագործիչ, կամ օժանդակ նյութերից որևէ մեկը ներառվել է Հայաստանի Հանրապետությունում արգելված քիմիական նյութերի և թունաքիմիկատների ցանկում:

(6-րդ հոդվածը խմբ. 17.12.14 ՀՕ-240-Ն, փոփ. 04.03.20 ՀՕ-125-Ն)

**Հոդված 7.** Հայաստանի Հանրապետությունում արտադրվող և Հայաստանի Հանրապետություն ներմուծվող պեստիցիդներին և ազրոքիմիկատներին ներկայացվող պահանջները

1. Ներմուծման և շրջանառության փուլերում պեստիցիդները և ազրոքիմիկատները պետք է բավարարեն Հայաստանի Հանրապետության օրենսդրությամբ սահմանված պահանջները:
2. Արգելվում է ներմուծել արտադրել, իրացնել և օգտագործել Հայաստանի Հանրապետությունում չգրանցված պեստիցիդներ և ազրոքիմիկատներ:
3. Արգելվում է Հայաստանի Հանրապետություն ներմուծել արտադրողի սահմանած պիտանելիության ժամկետի մեջ երրորդից պակաս պիտանելիության ժամկետ ունեցող պեստիցիդներ և ազրոքիմիկատներ:

**Հոդված 8.** Պեստիցիդների և ազրոքիմիկատների թունաքանակի գնահատումը

1. Պեստիցիդները և ազրոքիմիկատները ենթակա են պարտադիր թունաքանակի գնահատման, որն իրականացնում էն անհրաժեշտ գիտական ու նյութական ապահովածություն և համապատասխան որակավորված մասնագետներ ունեցող՝ Հայաստանի Հանրապետության օրենսդրությամբ սահմանված կարգով նման լիազորություններ ունեցող կազմակերպությունները:
2. Պեստիցիդների և ազրոքիմիկատների թունաքանակի գնահատման անցկացման կարգը սահմանում է Հայաստանի Հանրապետության առողջապահության բնագավառի լիազոր մարմինը:
3. Կատարվող փորձարկումների կարգերի, բառ զյուղատնտեսական մշակաբույսերի տեսականու, պատրաստուկի ծախսի նորմաների և կիրառման տեխնոլոգիաների, պեստիցիդների և ազրոքիմիկատների կիրառման մասին հրահանգների ու հանձնարարականների համընկնման դեպքում Հայաստանի Հանրապետությունում պեստիցիդների և ազրոքիմիկատների գրանցման ընթացքում կարող են ընդունվել այլ երկրներում իրականացված փորձարկման արդյունքները: Երկրների ցանկը հաստատում է Կառավարությունը:
4. Թունաքանակի գնահատման սկզբունքներն են՝
  - 1) թունաքանակի գնահատման եզրակացությունների գիտական հիմնավորումը.
  - 2) գնահատող փորձագետների անկախությունը՝ լիազորությունների իրականացման ժամանակ.
  - 3) գնահատման ամբողջական իրականացումը.
  - 4) հետազոտվող նյութերի գաղտնիության ապահովումը:
5. Պեստիցիդի և (կամ) ազրոքիմիկատի թունաքանակի գնահատման արդյունքում կազմվում է պեստիցիդի և (կամ) ազրոքիմիկատի անվտանգությունը հիմնավորող փաստաթուղթը:
6. Որևէ բուսական արտադրանքի շրջանառության համար նախատեսված պեստիցիդի ազդող նյութի հետազոտության սահմանված մեթոդի բացակայության դեպքում նշված բուսական արտադրանքը չի ներառվում այն մշակաբույսերի ցանկում, որոնցում տվյալ պատրաստուկը կարող էր օգտագործվել:

(8-րդ հոդվածը փոփ. 23.03.18 ՀՕ-287-Ն)

**Հոդված 9.** Պեստիցիդների և ազրոքիմիկատների փաթեթավորմանը և մակնշմանը ներկայացվող պահանջները

1. Հայաստանի Հանրապետությունում շրջանառվող չափածրարված պեստիցիդների և ազրոքիմիկատների վրա հայերեն մակնշումը պարտադիր է:
2. Մակնշումը գետեղվում է անմիջապես տարայի և (կամ) տարայի պահպանումը ապահովող փաթեթվածքի նյութին ամրացված պիտակի վրա:
3. Պեստիցիդների և ազրոքիմիկատների մակնշումը պետք է ներառի՝
  - 1) պեստիցիդի կամ ազրոքիմիկատի անվանումը և նշանակությունը.
  - 2) ազդող նյութի անվանումը, պարունակությունը.
  - 3) արտադրողի անվանումը և գտնվելու վայրը (երկիրը, իրավաբանական հասցեն).
  - 4) պատրաստուկային ձևը.
  - 5) տարայի ծավալը և (կամ) զտաքաշը.

- 6) տեղեկություն անվտանգության մասին.
  - 7) մանխպույացիոն նշանները.
  - 8) տեղեկատվություն կիրառման վերաբերյալ (մշակվող մշակաբույսերը կամ օրիելուր, ծախսի նորմաները, մշակումների առավելագույն քանակը, պարբերականությունը, վնասակար օրգանիզմը, «սպասման ժամկետները»).
  - 9) գրանցման վկայականի համարը.
  - 10) արտադրության ժամկետը (ամիսը, տարեթիվը).
  - 11) պահման պայմանները.
  - 12) պիտանելիության ժամկետը.
  - 13) նույնականացման կոդը (շարիփիվ).
  - 14) կիրառման սահմանափակումները (այլ պեստիցիդների և ազրոքիմիկատների հետ համատեղ ելիություն, բուսաբունունակություն (ֆիտոսորբիկություն)).
  - 15) անվտանգության կանոնները աշխատելիս, տեղափոխելիս և պահպանելիս.
  - 16) թափված պեստիցիդների և ազրոքիմիկատների վնասազերծման եղանակները.
  - 17) դատարկ տարաների վնասազերծման և (կամ) ոչնչացման եղանակները.
  - 18) սուր թունավորումների կլինիկական պատկերը (տվյալների առկայության դեպքում), խորհուրդներ բժշկին, այդ թվում՝ հակաթույնի անվանումը (առկայության դեպքում).
  - 19) առաջին օգնությունը թունավորման դեպքում:
4. Երկարուղային ցիստերների և ավտոցիստերների մակնշումը զետեղվում է երկարուղային և ավտոմոբիլային տրանսպորտով բերների տեղափոխման կանոններին համապատասխան:
5. Պեստիցիդների և ազրոքիմիկատների փաթեթավորման, սպառողական տարայի, պիտակի, լրացուցիչ պիտակի կամ ներդիրի վրա գետեղված տեղեկությունները պետք է լինեն ընթերնելի, ամբողջական ու հավաստի:
6. Մակնշումը պետք է կայուն լինի քիմիական նյութերի, կլիմայական գրձնների ազրեցության նկատմամբ, պահպանվի պեստիցիդի և ազրոքիմիկատի երաշխիքային պահպանման ժամկետի ընթացքում:

#### Գ Լ ՈՒ Խ 4

### **ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԻՒՄ ԳՅՈՒՂԱՏՆՏԵՍԱԿԱՆ ԳՈՐԾՈՒՆԵՈՒԹՅԱՍՄՔ ԶԲԱՂՎՈՂ ՖԻԶԻԿԱԿԱՆ ԵՎ ԻՐԱՎԱԲԱՆԱԿԱՆ ԱՆՁԱՆՑ ՊԱՐՏԱԿԱՆՈՒԹՅՈՒՆՆԵՐԸ**

**Հոդված 10. Հողերի մշակությունը, պեստիցիդների և ազրոքիմիկատների օգտագործումը, մոլախոտային բուսականության դեմ տարվող պայքարը**

1. Գյուղատնտեսական նշանակության հողերի մշակությամբ գրաղվող ֆիզիկական և իրավաբանական անձինք պարտավոր են իրականացնել՝
  - 1) հողի հիմնական, նախացանքային, հետցանքային և միջարքային մշակության համալիր միջոցառումներ.
  - 2) հողի հողատարումը կանխարգելող համալիր միջոցառումներ.
  - 3) հողի երկրորդային աղակալումը և ճահճացումը կանխարգելող համալիր միջոցառումներ.
  - 4) հողի խորքային ջրերի թույլատրելի մակարդակի պահպանումը, ինչպես նաև մշակաբույսերի ոռոգման ընթացքում գերխոնավության կանխարգելումը.
  - 5) հողի օգտակար հատկանիշների պահպանման համալիր միջոցառումներ.
  - 6) հողը պեստիցիդների, ազրոքիմիկատների և կենսապատրաստուկների վնասակար մնացորդների աղտոտումից պաշտպանելու միջոցառումներ.
  - 7) հողի հիմնական սննդատարրերի (ազուր, ֆոսֆոր, կալիում) պակասը լրացնող համալիր միջոցառումներ.
  - 8) պարարտացման համալիր միջոցառումների կատարման ընթացքում բուսասանիտարական անվտանգության պահպանումը:
2. Արգելվում են՝
  - 1) Հայաստանի Հանրապետությունում օգտագործման համար թույլատրված պեստիցիդների և ազրոքիմիկատների անվանացանկում չընդգրկված, ինչպես նաև ընդգրկված, բայց ժամկետանց և անորակ պեստիցիդների և ազրոքիմիկատների ներմուծումը, իրացումն ու օգտագործումը.
  - 2) բուսասանիտարական նորմերին չհամապատասխանող պահեստներում ու շինություններում պեստիցիդների և ազրոքիմիկատների պահպանումը.
  - 3) պահեստներում պեստիցիդների ու ազրոքիմիկատների և սննդամթերքի համատեղ պահպանումը, փոխադրամիջոցներով դրանց միաժամանակյա փոխադրումը.
  - 4) պեստիցիդների և ազրոքիմիկատների մնացորդային առավելագույն քանակը գերազանցող բուսաբուծական մթերքների իրացումը.
  - 5) պեստիցիդների և ազրոքիմիկատների օգտագործման համար թույլատրելի քանակների գերազանցումը:

**Հոդված 11. Սերմանյութի և տնկանյութի արտադրությունը, ներմուծումը, իրացումն ու որակի պահպանումը**

1. Գյուղատնտեսական նշանակության հողերի մշակությամբ զբաղվող ֆիզիկական և իրավաբանական անձինք պարտավոր են ապահովել՝

- 1) սերմանյութի ու տնկանյութի արտադրության համար հողի տեղանքի ընտրությունը.
- 2) մշակաբույսերի ցանքափոխանակությունը.
- 3) սերմանյութի ու տնկանյութի արտայնության (սորտ, հիբրիդ, վերարտադրություն) դասի և որակի վկայականի առկայությունը.
- 4) սերմանյութի և տնկանյութի նախացանքային մշակությունը՝ գտումը, տեսակավորումը, ախտահանումը.
- 5) սերմադաշտերի և տնկարանների գնահատման (ապրոբացիա) հատուկ միջոցառումների իրականացումը՝ դաշտային հետազոտություններ՝ սերմադաշտերի և տնկարանների տեսակային և արտային մաքրության ու միատարրության, վնասակար օրգանիզմներով վարակվածության որոշման միջոցառումներ.
- 6) սերմանյութի ու տնկանյութի ներմուծման, փոխադրման, պահպանման, իրացման և օգտագործման համարի միջոցառումների իրականացումը:

2. Արգելվում են անհայտ ծագում ունեցող սերմանյութի և տնկանյութի իրացումը և օգտագործումը:

**Հոդված 12. Բույսերի կարանտին և կարգավորվող ոչ կարանտին վնասակար օրգանիզմի դեմ տարվող պայքարը**

1. Բուսասանիտարիայի ոլորտում ֆիզիկական և իրավաբանական անձինք պարտավոր են ապահովել՝

- 1) գյուղատնտեսական հողատեսքերի, ցանքերի և տնկարկների կարանտինի և կարգավորվող ոչ կարանտին վնասակար օրգանիզմների դեմ պայքարի համարի միջոցառումների իրականացումը.

2) հողում և բուսական արտադրանքում պետական պահպանների և ազգորիմիկատների բույսատրեկի մնացորդային առավելագույն քանակի չգերազանցումը.

3) բուսասանիտարական վերահսկողության ենթակա բույսերի, բուսական արտադրանքի և կարգավորվող այլ առարկաների բուսասանիտարական զննումը, ստուգումը և փորձաքննությունը:

2. Արգելվում է՝

1) Հայաստանի Հանրապետությունում պետական գրանցում չստացած, օգտագործումից հանված, ժամկետանց, անորակ և արգելված, բնակչության առողջության և շրջակա միջավայրի համար վտանգավոր պետական պահպանների և ազգորիմիկատների օգտագործումը.

2) մինչև 18 տարեկան, պարտադիր նախնական և պարբերական բժշկական զննություն չանցած անձանց, ինչպես նաև հիյ և մինչև մեկ տարեկան երեխա խնամող կանանց ներգրավումը պետական պահպանների հետ կատարվող աշխատանքներում.

3) ախտահանված սերմերի՝ որպես սննունդ, անասնակեր օգտագործումը.

4) կարանտին հայտարարված տարածքներից բուսասանիտարական վերահսկողության ենթակա բույսերի, բուսական արտադրանքի և կարգավորվող առարկաների արտահանումն առանց բուսասանիտարական անձնազրի:

3. Բույսերի վնասակար օրգանիզմների կարգավորման անհրաժեշտությունը որոշելու, անհրաժեշտության դեպքում դրանց դեմ պայքարի միջոցառումներ իրականացնելու նպատակով լիազոր մարմինն իրականացնում է բուսասանիտարական ուսումնասիրություն:

**Հոդված 13. Բուսասանիտարիայի ոլորտում բույսեր, բուսական արտադրանք, կարգավորվող առարկաներ, պետական պահպաններ, ազգորիմիկատներ արտադրող, իրացնող, փոխադրող, ներմուծող, արտահանող, վերամշակող, պահեստավորող ֆիզիկական և իրավաբանական անձանց հաշվառման վկայական և իրավաբանական անձանց բուսասանիտարական հաշվառումը**

1. Բուսասանիտարիայի ոլորտում բույսեր, բուսական արտադրանք, կարգավորվող առարկաներ, պետական պահպաններ և ազգորիմիկատներ արտադրող, իրացնող, փոխադրող, ներմուծող, արտահանող, վերամշակող, պահեստավորող ֆիզիկական և իրավաբանական անձանց հաշվառման վկայական տրամադրելու միջոցով:

2. Յուրաքանչյուր արտադրող, որի արտադրանքը նախատեսված է իրացման համար, հաշվառվում է լիազոր մարմնի կողմից, որի տվյալները գրանցվում են պաշտոնական գրանցամատյանում, և տրվում է հաշվառման չլրկնվող համար:

3. Սույն հոդվածով սահմանված դրույթները չեն կիրառվում այն բույսերի, բուսական արտադրանքի և կարգավորվող

այլ առարկաների փոքր քանակների նկատմամբ, որոնք նախատեսված են վերջինիս սեփականատիրոց կամ ստացողի կողմից ոչ արդյունաբերական և ոչ արևտրային նպատակներով սպառման համար կամ փոխադրման ընթացքում սպառման համար, եթե առկա չէ վնասակար օրգանիզմների տարածման ռիսկ:

**4. (Մասն ուժը կորցրել է 07.07.22 ՀՕ-310-Ն)  
(13-րդ հոդվածը փոփ. 07.07.22 ՀՕ-310-Ն)**

**Հոդված 14. Բուսասանիտարական անձնագիրը**

1. Բուսասանիտարական անձնագիրը տրվում է միայն հաշվառված ֆիզիկական և իրավաբանական անձանց պատկանող բույսերի, բուսական արտադրանքի և կարգավորվող այլ առարկաների համար՝ բուսասանիտարական զննման կամ փորձաքննության արդյունքում և բուսասանիտարական կանոնների ու նորմերի բավարարման դեպքում:

2. Բուսասանիտարական հսկողության ենթակա բույսերը, բուսական արտադրանքը և կարգավորվող այլ առարկաներն արգելվում է ներմուծել վնասակար օրգանիզմներից գերծ գոտի կամ տեղափոխել այդ գոտով բացառությամբ եթե առկա է բուսասանիտարական անձնագիր տվյալ գոտու համար:

**Հոդված 15. Վնասակար օրգանիզմների հայտնաբերման մասին ծանուցումը**

1. Լիազոր մարմինը գրավիր ծանուցում է Բույսերի պաշտպանության միջազգային կազմակերպությանը և Բույսերի պաշտպանության եվրոպական կազմակերպությանը, եթե հայտնաբերել է վնասակար օրգանիզմ, որի մուտքը Հայաստանի Հանրապետության տարածք արգելված է:

2. Ծանուցման մեջ նշվում է նաև ձեռնարկված կամ նախատեսվող միջոցառումների մասին:

3. Լիազոր մարմինը միջոցներ է ձեռնարկում վնասակար օրգանիզմի վերացման, իսկ անհնարինության դեպքում դրանց տարածումը կանխարգելելու ուղղությամբ:

4. Սույն հոդվածի 1-ին մասով սահմանված դեպքում լիազոր մարմինն իրականացնում է հայտնաբերված վնասակար օրգանիզմի ռիսկի վերլուծությունը տվյալ տարածքի համար, ձեռնարկված միջոցառումների շարունակման, դադարեցման կամ վտանգի անհրաժեշտությունը պարզելու նպատակով:

**Գ Լ ՈՒ Խ 5**

**ԲՈՒՅԱՏԵՐԻ ԿԱՐԱՍԻՆԻ ՍԱՀՄԱՆՄԱՆ ԵՎ ՎԵՐԱՑՄԱՆ ՄԻՋՈՑԱՌՈՒՄՆԵՐԸ**

**Հոդված 16. Բույսերի կարանտինի սահմանումը**

1. Հայաստանի Հանրապետության տարածքում բույսերի կարանտին վնասակար օրգանիզմների հայտնաբերման, մեկուսացման, վերացման և տարածման կանխարգելման նպատակով իրականացված բուսասանիտարական մշտադիրակման և լաբորատոր փորձաքննության եզրակացության հիման վրա, կարանտին օրգանիզմից գերծ գոտում կարանտին վնասակար օրգանիզմով վարակվածություն հայտնաբերվելու դեպքում՝

1) լիազոր մարմինի որոշմամբ ստեղծվում է ժամանակավոր աշխատանքային խումբ, որտեղ ընդգրկվում են լիազոր մարմինի, պետական կառավարման ու տեղական ինքնակառավարման մարմինների, բուսասանիտարիայի ոլորտի գիտական կազմակերպությունների ներկայացուցիչներ.

2) ժամանակավոր աշխատանքային խումբը լիազոր մարմին է ներկայացնում առաջարկություններ՝ կարանտին գոտում իրականացվող միջոցառումների վերաբերյալ.

3) լիազոր մարմինը հաստատում է հայտնաբերված վնասակար օրգանիզմի անվանումը, դրանց տարածման սահմանները (արեալները), հնարավոր վնասի գնահատումը, կարանտինի և հարող տարածքների սահմանները, առաջարկվող միջոցառումների ցանկը և կարանտին սահմաններու վերաբերյալ առաջարկություն է ներկայացնում Վառավարություն՝ միաժամանակ ներկայացներով սույն կետով նախատեսված փաստաթղթերը.

4) բույսերի կարանտինը սահմանվում է հանրապետության, մարզի, համայնքի, բնակավայրերի կամ ֆիզիկական ու իրավաբանական անձանց պատկանող տարածքում կամ դրանց մի մասում.

5) Հայաստանի Հանրապետության տարածքում կարանտին վնասակար օրգանիզմների տարածումը կանխելու նպատակով լիազոր մարմինը կարանտին գոտում իրականացնում է վերահսկողություն կարանտին վնասակար օրգանիզմների ոչնչացման և կարգավորվող առարկաների վարակագերծման բուսասանիտարական միջոցառումների

անցկացման նկատմամբ:

2. Բույսերի կարանտին սահմանված գոտիներից բույսերը և բուսական արտադրանքը, սերմերը և տնկանյութը դուրս բերելը կատարվում է լիազոր մարմնի տված բուսասանիտարական անձնագրի առկայությամբ: Առանց բուսասանիտարական անձնագրի դուրս բերված ապրանքները ենթակա են վարակագերծման, անհրաժեշտության դեպքում՝ ոչնչացման:

3. Արգելվում են կարանտին վնասակար օրգանիզմներով վարակված բազմամյա տնկարկներին հարող տարածքներում տնկարանի հիմնումը և չհետազոտված տարածքներից պատվաստակալների և պատվաստացուների մթերումն ու օգտագործումը:

4. Տնկանյութի արտադրությամբ զբաղվող յուրաքանչյուր տնտեսավարող պետք է ունենա կարանտին հսկողության մատյան՝ աձեցված և իրացված տնկանյութի կարանտին հետազոտությունների արդյունքները և կարանտին վնասակար օրգանիզմների բացակայության, բուսասանիտարական միջոցառումների վերաբերյալ տեղեկությունները գրանցելու համար:

5. Կարանտին սահմանված գոտում բուսասանիտարական հսկողության ենթակա բույսերի, բուսական արտադրանքի, սերմերի և տնկանյութի արտադրությամբ, մթերմամբ, փոխադրմամբ, պահեստավորմամբ և (կամ) իրացմամբ զբաղվող ֆիզիկական և իրավաբանական անձններ կարանտին վնասակար օրգանիզմի դեմ պայքարի միջոցառումները կազմակերպում և անցկացնում են վերահսկողություն իրականացնող մարմնի անմիջական հսկողության ներքո:

6. Եթե կարանտին սահմանված գոտում բուսասանիտարական զննումից և (կամ) փորձաքննությունից պարզվել է, որ արտադրողի արտադրած, օգտագործած կամ պահեստավրած բույսերի, բուսական արտադրանքի և կարգավորվող այլ առարկաների որոշակի խմբաքանակ առողջ է և վնասակար օրգանիզմների տարածման ռիսկ չի ներկայացնում, ապա բուսասանիտարական անձնագիրը լրացվում է միայն տվյալ խմբաքանակի համար:

(16-րդ հոդվածը փոփ. 23.03.18 ՀՕ-287-Ն)

**Հոդված 17. Բույսերի կարանտինի գոտում կիրառվող պայքարի միջոցառումները, կարանտինի չեղյալ հայտարարումը**

1. Բույսերի կարանտինի գոտում իրականացվում են բույսերի, բուսական արտադրանքի և կարգավորվող այլ առարկաների պարտադիր ախտահանում (վարակագերծում) կամ ոչնչացում:

Բույսերի կարանտինի գոտում սահմանափակվում կամ արգելվում են բույսերի, բուսական արտադրանքի և կարգավորվող այլ առարկաների արտածումը, ինչպես նաև դրանց հետ առնչվող փոխադրամիջոցների ելքն ու մուտքը:

2. Բուսասանիտարական վերահսկողություն իրականացնելու իրավասություն ունեցող պաշտոնատար անձը պարտավոր է կարանտին գոտում ֆիզիկական և իրավաբանական անձնաց տալ առաջադրանքներ սույն օրենքի պահանջների կատարման վերաբերյալ և հսկողություն իրականացնել դրանց կատարման նկատմամբ:

3. Բույսերի կարանտինը չեղյալ է հայտարարվում լիազոր մարմնի առաջարկությամբ՝ համապատասխան միջոցառումների իրականացման և վնասակար օրգանիզմի օշախների ոչնչացման դեպքում, ինչպես նաև Վառավարության սահմանած այլ դեպքերում:

4. Բույսերի կարանտինի սահմանման և կարանտինի չեղյալ հայտարարման մասին տեղեկությունները տրվում են զանգվածային լրատվության միջոցներով:

(17-րդ հոդվածը փոփ. 23.03.18 ՀՕ-287-Ն)

#### Գ Լ ՈՒ Խ 6

**ԲՈՒՅՍԵՐԻ, ԲՈՒՍԱԿԱՆ ԱՐՏԱԴՐԱՆՔԻ ԵՎ ԿԱՐԳԱՎՈՐՎՈՂ ԱՅԼ ԱՌԱՐԿԱՆԵՐԻ ՎԱՐԱԿԱԶԵՐԾՈՒՄՆ ՈՒ ՈՉՆՉԱՑՈՒՄԸ**

**Հոդված 18. Բույսերի, բուսական արտադրանքի և կարգավորվող այլ առարկաների վարակագերծումն ու ոչնչացումը**

1. Բույսերի կարանտին վնասակար օրգանիզմների մուտքը, տարածումն ու վարակի օշախները վերացնելու նպատակով բուսասանիտարական փորձաքննության արդյունքում բուսասանիտարական վերահսկողություն իրականացնելու իրավասություն ունեցող պաշտոնատար անձի տված եզրակացության հիման վրա վարակակիր կամ իլիվանդության կամ առաջանացնող բույսերը, բուսական արտադրանքը և կարգավորվող այլ առարկաները վարակագերծվում կամ ոչնչացվում են՝ բուսասանիտարական կանոններին համապատասխան՝ բուսասանիտարական վերահսկողություն իրականացնելու իրավասություն ունեցող պաշտոնատար անձի հսկողությամբ:

2. Բույսերի, բուսական արտադրանքի և կարգավորվող այլ առարկաների վարակագերծման անհրաժեշտությունը,

կատարման վայրը և եղանակը որոշում է բուսասանիտարական լիազոր մարմնի պաշտոնատար անձը:

3. Բույսերի, բուսական արտադրանքի և կարգավորվող այլ առարկաների վարակագերծման և ոչնչացման հետ կապված ծախսերը կատարվում են Հայաստանի Հանրապետության օրենդրությամբ սահմանված կարգով:

#### Գ Լ ՈՒ Խ 7

### ՊԱՏԱՍԽԱՆԱՏՎՈՒԹՅՈՒՆԸ ՍՈՒՅՆ ՕՐԵՆՔԸ ԽԱԽՏԵԼՈՒ ՀԱՄԱՐ

**Հոդված 19. Պատասխանատվությունը սույն օրենքը խախտելու համար**

1. Սույն օրենքը խախտող ֆիզիկական և իրավաբանական անձինք պատասխանատվություն են կրում օրենքով սահմանված կարգով:

#### Գ Լ ՈՒ Խ 8

### ԵԶՐԱՓԱԿԻՉ ԴՐՈՒՅԹՆԵՐ

**Հոդված 20. Օրենքի ուժի մեջ մտնելը**

1. Սույն օրենքն ուժի մեջ է մտնում պաշտոնական հրապարակման օրվան հաջորդող տասներրդ օրը:

2. Սույն օրենքի 7-րդ հոդվածի 2-րդ մասով ազդրիմիկատների վերաբերյալ սահմանափակումներն ուժի մեջ են մտնում 2015 թվականի հունվարի 1-ից:

3. Մինչև սույն օրենքն ուժի մեջ մտնելը Հայաստանի Հանրապետության օրենսդրությամբ սահմանված կարգով անժամկետ գրանցված և Հայաստանի Հանրապետությունում օգտագործման համար թույլատրված բույսերի պաշտպանության քիմիական ու կենսաբանական միջոցների անվանացանկում ընդգրկված պեստիցիդները համարվում են գրանցված 5 տարի ժամկետով՝ սույն օրենքն ուժի մեջ մտնելու օրվանից:

4. Սույն օրենքն ուժի մեջ մտնելու պահից ուժը կորցրած ճանաչել «Բուսասանիտարիայի մասին» Հայաստանի Հանրապետության 2006 թվականի դեկտեմբերի 16-ի ՀՕ-209-Ն օրենքը:

5. «Բուսասանիտարիայի մասին» Հայաստանի Հանրապետության 2006 թվականի դեկտեմբերի 16-ի ՀՕ-209-Ն օրենքի համաձայն ընդունված իրավական ակտերը գործում են այնքանով, որքանով չեն հակասում սույն օրենքի պահանջներին:

**(20-րդ հոդվածը փոփ. 17.12.14 ՀՕ-240-Ն)**

**Հայաստանի Հանրապետության  
Նախագահ**

**Ա. Սարգսյան**

2014 թ. հուլիսի 22  
Երևան  
ՀՕ-140-Ն